

Isingeniso Semfihlo

Ababambiqhaza bazohlola izimfihlo zabo siqu nomthelela ezinawo ezimpilweni zabo. Ababambiqhaza bazocabangela uhlobo lokwaziswa abangathanda ukukugcina kuyimfihlo kanye nemongo yokwaziswa abangeke bathande ukukwabelana nothile.

Izinto

Nikeza Ukwaziswa Kwemfihlo Yomdlalo

“Imfihlo” Isho Ukuthini Kuwe?

Imfihlo Yomdlalo

Ukukhululeka Kwemfihlo

Nikeza Ukwaziswa Kwemfihlo Yomdlalo.

Tshela Abafundi Bakho

Uwena owenza izinqumo ngemfihlo yakho usuku nosuku, ikakhulukazi lapho uya ku-inthanethi futhi usebenzisa ucingo lwakho noma enye idivayisi yedijithali. Ngokuvamile, ungachitha isikhathi esiningi uzama ukucabanga ngasinye salezi zinqumo. Kodwa zonke zigcina ziba uqoqo lwakho oluhlukile lwendlela oyiqonda ngayo imfihlo.

Imfihlo iyikhono lokulawula lokho okungase kwaziwe ngabanye abantu ngawe. Lokhu ungakwenza ngokusho izinto ezithile ngawe (njengokutshela abanye abantu ikheli lakho noma ongathanda ukukwenza uma uzijabulisa) noma ukwenza izinto phakathi kwabanye abantu (njengokuya esitolo nabangane bakho nokuthatha okuthanda kakhulu). Imfihlo ibalulekile kungakhathaliseki ukuba usegunjini nabanye abantu noma ukhuluma nabo nge-inthanethi.

Imfihlo isekelwe ezinqumweni zakho siqu. Lokho imfihlo eyikho kuwena nomndeni wakho, kungahluka kakhulu kulokho imfihlo eyikho kwabanye abantu nemindeni ekuleli qembu. Uma sikuphaphamele kakhudlwana lokho okuyimfihlo kithi, kanye nendlela esiziphatha ngayo uma siku-inthanethi, lokho kungabumba imfihlo yethu, futhi sizokwazi ukwenza izinqumo ezingcono ngokuqondene nohlobo lwemfihlo esiyifunayo.

Manje sizodlala umdlalo osheshayo ngemfihlo [sicela ubhekisele Ephepheni Lemfihlo Yomdlalo] ozonisiza nicabangele indlela enicabanga futhi nizizwa ngayo ngemfihlo. Ngamunye uzogcwalisa iphepha lakhe, ahambahambe nalo egunjini, futhi azethule komunye wabambiqhaza. Wena nomunye umbambiqhaza nizobe senibuzana imibuzo ngokwaziswa okukulelo phepha. Ungababonisi lelo phepha abanye ababambiqhaza! Iphepha lakho angeke lithathwe ekupheleni komsebenzi -- ukhululekile ukuba uhambe nalo ekhaya noma ulilahle uma uthanda.

Engxoxweni ngayinye, umbambiqhaza ngamunye kumelwe abelane okungenani ngezimpendulo ezinathathu zemibuzo ebuzwe ngomunye umbambiqhaza. Ababambiqhaza bangakhetha ukwaba okungaphezu kokuthathu. Ababambiqhaza bangakhetha futhi nokuthi yikuphi ukuwaziswa abazokwaba kulokho okuthathu abafuna ukukwaba. Umbambiqhaza ngamunye uzokwaba ukwaziswa okungakanani? Yikuphi ukwaziswa okuzokwabiwa ngumbambiqhaza ngamunye? Akhesihambe sikhulume!

Ukühleleka Kwekilasi

Yenza ababambiqhaza bagcwalise amaphepha. Emva kwalokho, nikeza ababambiqhaza imizuzu engu-15 yokuba bahambahambe egunjini futhi baxhumane ngabanye. Emva kwalokho, hlanganyela nabo bonke ngengxoxo usebenzisa imibuzo elandelayo. Ekugcineni, qiniseka ukuba ababambiqhaza bayawalahla amaphepha abo noma bahamba nawo -- njengomfundisi, ungawaqoqi amaphepha.

Ingxoxo

Buza Abafundi Bakho

Abe khona yini amanye amaqiniso ongawabelananga nomunye umuntu? Yikuphi? Kungani?

Yimaphi amaqiniso owabile? Kungani?

Ingabe bonke abantu benze izinqumo ezifanayo ngokuqondene nokumelwe bakwabelane? Kungani / pho-ke, kungani?

Kuye ngokuthi ubani owabelana naye, kungani ungaba okwengeziwe, noma okuncane, kwalolu hlobo lokwaziswa? Ungakwaba nini?

Ingabe bekunokuthile ongakwabanga phakathi nalesi sikhathi obungeke vele ukwabelane nothile omaziyo? Pho-ke, kungani?

Ingabe lolu hlobo lokwaziswa luseningini? Kuyimfihlo? Kungani? Ingabe lokhu kunjalo ngabo bonke abantu?

Tshela Abafundi Bakho

Njengoba uzwile, abantu benze izinqumo ezahlukahlukene ngokuqondene nokumelwe kwabiwe nokungamelwe kwabiwe. Babe nezizathu ezahlukahlukene zalokho abakukhethayo.

Ebesikwenza bekumane kuwumdlalo. Kodwa senza lezi zinhlobo ezifanayo zezinqumo nsuku zonke ekuphileni kwangempela. Siyanquma ukuthi sizoxhoma isithombe esithile noma cha emthonjeni wezokuxhumana. Siyanquma ukuthi sifuna ukwaziswa okuthile okuqondile kokuxhumana, njengekheli lemeyili yethu, elitholakala eningini kuma-akhawunti ethu emithombo yezokuxhumana. Esikunqumile kungaba okuhlukile kulokho abangane bethu esibathembayo abangakukhetha noma kuhluke ngisho kilokho esikwenzile enyangeni edlule. Nakuba senza izinqumo ezifanayo ezimweni ezimbili ezingafani, izizathu zethu zingahluka.

Lezi zinqumo nezizathu ezahlukahlukene zimelela lokho esikuqondayo ngemfihlo.

Kalula nje, imfihlo ibhekisela endleleni esikhettha ukusingatha ngayo ukwaziswa okuphathelene nathi. Lokhu kwaziswa kungahlanganisa nezingxenye zeminingwane, imisebenzi, izintandokazi, imizila, kanye nezinye izici zokuphila kwethu. Ezweni lanamuhla ledijithali, kunamathuba amaningi kunanini ngaphambili okwabelana nabanye ngokwaziswa okuphathelene nathi. Ngakho, kubalulekile ukuba siyinake indlela esiyiqonda ngayo imfihlo, nokuthi sicabange ngokuthi sikhululekile ngalokho esikuqondayo noma cha.

Buza Abafundi Bakho

Ngokusekelwe ekuziphatheni kwethu emdlalweni wemfihlo, kanye nokuziphatha kwethu kwansuku zonke ekuphileni, ungayichaza kanjani imfihlo? Kungani?

Ingabe konke ukwaziswa kwangasese kuyimfihlo?

1. Luthu neze. Ngokwesibonelo, usuku lokuzalwa angeke lube yimfihlo kangalokho okufaka kwidayari yakho nsuku zonke. Kunabantu abaningi emhlabeni abazi usuku lwakho lokuzalwa futhi okumelwe balazi, njengabazali bakho / abakunakekelayo noma udokotela wakho. Kodwa ngenxa yokuthi okuthile akuyona imfihlo, usengakubheka njengokuyimfihlo. Iningi lethu bengeke lithande ukuba bonke abantu bazi usuku lwabo lokuzalwa ngoba lubhekwa njengokwaziswa okwaziwa ngabantu abasondelene nathi kuphela noma abantu abanesizathu esithile sokwazi lokho kwaziswa. Lolu hlobo lwezinqumo lumayelana nalabo okumelwe bazi okuthile ngathi, ukuthi nini nokuthi kungani kumelwe bazi leyo mfihlo ngathi.

Buza Abafundi Bakho

Ingabe zikhona yini ezinye izinto ezingeyona imfihlo ongathanda ukuzigcina njengeziyimfihlo kubantu ongabazi kahle / abantu osanda kuhlangu nabo?

1. Izinombolo zocingo, amameyili, izithombe, amavidiyo, njll.

Ingabe kunezinto ongathanda ukuzifihlela abazali bakho / abakunakekelayo noma abangane bakho? Kuthiwani ngothisha bakho noma abanye abakufundisayo?

1. Imiphumela yakho yasesikoleni, i-akhawunti yakho ye-Instagram, idayari yakho.

Ingabe ufunde okuthile okuye kwakumangaza ngendlela oqonda ngayo imfihlo?

Tshela Abafundi Bakho

Ungahamba Nomdlalo Wemfihlo uma sesiqedile namuhla! Manje njengoba usucabanga kakhulu ngemfihlo, uzobona amathuba amaningi okwenza izinqumo

nsuku zonke lapho usebenzisa ukuqonda kwakho ngemfihlo.

Isabelo

Isabelo

Tshela Abafundi Bakho

Manje sesizohlola kabanzi ukuqonda komuntu ngamunye ngokuphathelene nemfihlo.

1. Thola izibonelo ezintathu ku-inthanethi lapho othile abelene noma exhome okuthile wena ngokwakho ongathanda ukukugcina kuyimfihlo. Lokhu kungaba okuvela kosaziwayo, abezombusazwe, noma abaholi bamabizisini, noma ungasesha nge-hashtag noma ngosesho oluvamilwe lwaku-inthanethi ukuze uthole izibonelo ezivamile. Zama ukuthola amathuluzi ahlukehukene (isib., izithombe, amavidiyo, izixhomo zamagama, njengezimpawulo ezenziwe ngabathile emthonjeni wezokuxhumana noma kwipulatifomu yezindaba) ngezihloko ezahlukehukene.
2. Ngokwesibonelo, bhala isigaba esisodwa esichaza ukuthi kungani ungakhetha ukugcina lokhu kwaziswa kuyimfihlo. Esigabeni sakho, sicela uchaze uma ngabe umbono wakho ngokwaba lokhu kwaziswa ushintsha kuye ngomongo wendaba (isib., ubani oxhumana naye, inani labantu abahilelekile koxhumana nabo, injongo nomgomo, isimo sendawo [esikoleni noma ngaphandle kwesikole]).

Isabelo

Nikeza ababambiqhaza imizuzu engu-40 yokuba baqede isabelo.